


欽定八旗通志

人物志

卷百八十八

之百八十九



欽定八旗通志卷一百八十八

人物志六十八

大臣傳五十四

蒙古正藍旗 阿濟拜 布爾哈圖 奇塔特徹爾貝 畢力克圖

納延泰

唐喀祿

德福

蒙古鑲藍旗

甘都

琿錦

秦布

阿濟拜

阿濟拜蒙古正藍旗人先世居巴林姓卓特阿濟

拜初任佐領天命三年

太祖高皇帝取明撫順班師明總兵張承應自廣寧襲我

軍後阿濟拜隨貝勒阿巴泰擊卻敵衆四年明總兵杜松由撫順來犯界藩阿濟拜復隨貝勒擊敗之七年從大兵征廣寧敗明兵於沙嶺天聰三年太宗文皇帝征明燕京阿濟拜任叅領畧通州斬哨卒五獲馬四進薄燕京同叅領鄂羅塞臣等擊敗明巡撫袁崇煥兵九年

命同護軍統領布哈率八十人畧明邊境至寧遠擒七人獲馬四十牛百餘還出邊六十里明兵千人追至

布哈與戰沒於陣阿濟拜同巴圖魯哈談等還擊敗敵護所獲以歸分

賜有差敘功授騎都尉世職崇德六年隨鄭親王濟爾哈朗圍明錦州明年錦州既下以護軍統領鄂羅塞臣曾先破敵陣諸將隱其功並論罪阿濟拜應鞭責

上以諸將圍城日久勞苦有功皆免之順治元年四月大兵入山海關敗流賊李自成阿濟拜署副都統爲

後隊尋同都統伊拜勦賊山西至澤州連破賊營
十一月擢正藍旗蒙古副都統二年三月敘入關
功加一雲騎尉三年隨肅親王豪格征流賊張獻
忠過漢中同都統巴哈納擊走叛鎮賀珍進趨秦
州同尚書星訥擊敗賊將高汝礪獲馬羸百餘進
擊獻忠於西充與護軍統領阿爾津蘇拜連挫賊
衆五年敘功晉二等輕車都尉三遇

恩詔晉一等輕車都尉兼一雲騎尉九年八月以老疾

命解副都統任尋卒

賜祭葬如典禮諡忠勤立碑于墓以其弟鄂兌襲職

布爾哈圖

布爾哈圖蒙古喀喇沁人姓博爾濟吉特初爲其
部貝勒天聰三年六月遣使納貢九月來朝十月

太宗文皇帝親統大軍征明以布爾哈圖前在喀喇沁時
曾往來明國習知關隘使爲我師嚮導于是入明
邊攻克龍井關及洪山口大安口等城撫定羅文

峪十一月大軍克遵化

上命貝勒杜度駐兵守之復

命布爾哈圖分駐羅文峪四年正月明副將丁啟明等率

兵三千來犯布爾哈圖勒兵邀擊敵眾敗奔退歸

營堡翼日進兵奪其堡奮擊大破之陣擒啟明及

遊擊以下官三員斬獲無算

賜號岱達爾漢五年正月

詔以貝勒阿巴泰女妻之三月

上親征察哈爾布爾哈圖與土默特部貝勒等並率所屬

從征遇察哈爾叛逃蒙古劫土默特西蘭圖部下

八畜布爾哈圖追擊斬之足被創尋擊其所部人

戶來歸隸蒙古正藍旗崇德元年敘功子一等子

爵世襲罔替順治元年卒子班珠勒襲後遇

恩詔晉爵至一等伯

奇塔特徹爾貝 子鄂諾勒

奇塔特徹爾貝姓哈爾圖特初為察哈爾宰桑天

聰六年

太宗文皇帝親征察哈爾其汗林丹聞大兵至驚遁所部皆潰散奇塔特徹爾貝別率四百戶駐哈屯河

上遣使招之卽渡河來歸

賜賚優厚隸正藍旗蒙古崇德元年予三等子爵三年九月隨大軍征明由青山口入邊越燕京畧山東四年三月凱旋以部下佐領額珠文等過三屯營時取敵糧爲敵所困額珠文及甲士一人從役一人

並遇害奇塔特徹爾貝未及援罰馬如例九月隨大軍征明寧遠以火攻其城敵出城禦戰奇塔特徹爾貝率所部擊卻之六年大軍圍錦州明總督洪承疇集兵赴援營於松山西北我左翼三旗會擊奇塔特徹爾貝率衆奮戰大捷旣而敵以騎兵劫我紅衣礮奇塔特徹爾貝移兵擊之潰旋復偕衆破敵三營步兵七年敘功晉二等子順治元年隨睿親王多爾袞入山海關擊敗流賊李自成追

欽定八旗通志 卷一百八十八 三
至望都三年蘇尼特部騰機斯等叛奔喀爾喀奇
塔特徹爾貝隨豫親王多鐸往征之行次英噶爾
察克山聞騰機斯在亥噶魯台星夜疾追獲其孥
於鄂克特山時喀爾喀部土謝圖汗以衆二萬拒
大軍於扎濟布拉克奇塔特徹爾貝率所部邀擊
追北三十餘里詰旦碩雷汗亦以二萬衆至奇塔
特徹爾貝復率兵擊之皆潰遁四年敘功晉一等
子九年遇

恩詔予世襲罔替十二年奉

敕往喀爾喀部宣

諭土謝圖汗車臣汗等以其遵

旨弗違誓辭還奏康熙三年四月卒

賜祭葬如例子鄂諾勒襲爵兼任佐領十八年以叅領隨
護軍統領莽古圖征海賊鄭錦卒于軍

恩卹如例子索諾木襲爵

畢力克圖

畢力克圖姓博爾濟吉特世居科爾沁

太宗文皇帝時來歸隸蒙古正藍旗任豫親王多鐸護衛
隨征朝鮮及明錦州屢有斬獲順治元年隨豫親
王追勦流賊李自成於潼關明年定西安移師由
河南進拔揚州下江寧畢力克圖署護軍叅領所
至克敵有功四年授騎都尉世職六年擢正藍旗
蒙古副都統時大同總兵姜瓖叛畢力克圖奉

命率兵駐防平陽偕巴圖魯羅多渾勦太平縣賊遇賊黨

郭中傑引賊衆寇絳州擊敗之又敗賊騎千餘于
張湖村七年同西安協領根特等率師圍太平城
賊負固抗拒逾二旬不下乃因城壕掘地道燃火
藥以隙其城師入叛賊李建泰及賊黨俱伏誅八
年正月兼任禮部左侍郎屢遇

恩詔晉世職至一等輕車都尉十年四月調戶部左侍郎

十一年六月隨靖南將軍珠瑪喇征廣東時明桂
王朱由榔將李定國由廣西犯廣東據新會縣左

之山峪畢力克圖同護軍統領敦拜擊潰其衆復與副都統鄂拜護軍統領賚塔攻其巢定國大敗溺水死者無算乘勝追至興業縣遇其都督吳三省總兵揚成王三才等率步兵千餘拒戰斬殺過半進抵橫州定國渡江遠竄凱旋敘功晉爵三等男十三年以員外郎朱世德司權河西務虧缺稅銀戶部議援

恩詔赦免部臣俱坐降革畢力克圖罷侍郎任降世職爲

二等輕車都尉十七年雲南旣平由榔竄緬甸定國與其黨白文選等分據孟艮木邦

上命內大臣公愛星阿爲定西將軍畢力克圖署護軍統領率師赴雲南同平西王吳三桂相機征勦十八年十一月會師木邦定國先奔景線文選遁據錫箔江濱聞我兵至毀橋遁畢力克圖與前鋒統領白爾赫圖等先至江岸獲其謀者大軍結筏渡江越十日次舊挽坡距緬城六十里緬人謀擒獻由

柳請大軍留駐以百人進蘭鳩江濱爲扞衛于是
白爾赫圖率前鋒過往畢力克圖率護軍二百隨
其後緬人以由榔獻乃旋軍時白文選爲總兵馬
寧等追及于猛養率衆降畢力克圖撫其衆移入
邊境康熙三年敘功晉世職爲一等輕車都尉兼
一雲騎尉八年擢正藍旗蒙古都統列議政大臣
十二年五月

詔以畢力克圖屢從征伐著有勞績加太子少師十四年

三月授平逆將軍時叛鎮王輔臣附逆藩吳三桂
作亂據平涼肆掠陝西郡邑

上命畢力克圖帥師駐大同尋延安綏德皆陷賊

諭進駐榆林畢力克圖旣帥師移駐偵知賊衆三千餘屯

楊家店渡口乃分兵三隊乘夜疾進黎明鳴角渡
河賊不虞我師之至也悉驚駭潰竄遂復吳堡縣
城進師虎爾崖口遇賊衆復擊敗之僞遊擊黃文
英僞總兵朱龍俱遁綏德平進征延安賊將李士

英等棄城遁畢力克圖令副都統覺和託率兵追擊至宜川俘斬無算自駐延安城招撫附近城邑保安安塞宜川延長安定諸縣皆復奉

命移師會揚威將軍哈密達征平涼將至王輔臣驅賊萬

餘迎戰畢力克圖督兵合擊陣斬偽總兵郝天祥

及賊衆無算距城數里駐營十五年

上遣大學士圖海爲撫遠大將軍征平涼

命畢力克圖率所部前鋒赴寧夏統轄滿洲蒙古兵防勦

圖海至平涼王輔臣降畢力克圖還駐平涼十七

年移兵守隴州寶雞諸路賊倚仰天池高山爲巢

畢力克圖進兵勦除招降靈臺華亭崇信等縣及

偽叅將李天秀等三十一員兵二千餘賊復據寶

雞縣之蟠龍山分三隊來犯又偽副將胡長腿據

顯義關山坡列陣距戰畢力克圖以兵兩路合擊

大敗賊衆十八年

上以畢力克圖出師日久年已衰邁

召還京先是圖海議分兵四路取漢中興安令畢力克圖
同提督孫思克恢復畧陽至是已進征圖海以奏
上命侯漢中興安恢復撤回畢力克圖先取成縣招降偽
副將王光生等十九員兵三百六十餘名會提督
趙良棟已復畧陽與將軍王進寶並定漢中圖海
亦定興安遂班師十九年還朝仍任都統二十年
六月卒年七十有三

子祭葬諡恪僖孫常遠襲職二十五年追敘陝西軍功晉

一等男世襲

納延泰

納延泰蒙古正藍旗人姓薩爾都克雍正元年正
月由理藩院筆帖式授主事四月遷員外郎三年
遷郎中五年擢額外侍郎七年畧太僕寺卿內閣
學士九年授叅贊大臣

命赴北路軍營十年實授理藩院侍郎授鑲紅旗蒙古都
統時台吉策旺多爾濟等私易赴調兵兵多逃

金定八旗通志 卷一百八十八 八旗通志六十八
詔納延泰選補缺額逃者嚴加治罪並將策旺多爾濟等
貽悞之由諭各扎薩克等知警尋

命選鄂爾多斯兵赴軍十一年同喀爾喀扎薩克圖汗等
議駐兵備邊十二年署工部侍郎兼理上駟院事
乾隆二年擢理藩院尚書鑲藍旗蒙古都統軍機
處行走尋加太子少保十六年充方畧館副總裁
二十一年

命赴北路軍營查辦軍務二十五年

諭曰成衮扎布以原任喀爾喀台吉旺沁多爾濟不往
軍前一事請示於部該部大臣等並未叅奏且召見
詢問時納延泰仍推諉巧辯甚屬非是着革去尚書
尋授理藩院侍郎仍管都統事二十七年正月患
病

遣醫診視尋卒

賞銀五百兩治喪五月奉

旨納延泰之子惠齡着加恩以部院主事用是月以納

延泰前在都統任內失察章京西寧等私用印文
冒用銀兩事發

諭曰鑲藍旗蒙古印務章京西寧等結黨營私冒領銀
兩種種作弊朕已降旨嚴審治罪矣但納延泰管理
此旗多年此等事件並未查出直如木偶前伊病故
時朕尙念其舊臣賞賜銀兩復加恩將伊子錄用主
事今西寧等種種弊端俱係納延泰管都統時全不
以公事爲意自以爲年老在世幾何不過搪塞完事

而已甚屬不堪若伊本身現在朕必重治其罪今伊
雖故未便仍留其都統職銜及坐內碑碣着革去職
銜作爲庶人所有賞給立墳建碑等項俱着撤回併
將所立碑撲毀五十三年

諭曰納延泰從前辦理鑲藍旗蒙古都統事務因未允
協病故後追問其罪將伊職銜盡行革去但念納延
泰效力行走多年現今伊子惠齡又屬効力行走着
施恩將納延泰原有職銜俱准開復惠齡現官巡撫

唐喀祿

唐喀祿蒙古正藍旗人姓他塔拉雍正十三年由筆帖式授理藩院堂主事乾隆六年遷員外郎十

九年七月

賞給副都統銜赴北路軍營管理新降輝特合吉阿睦爾撒納班珠爾等游牧二十年正月奏班珠爾屬多老稚不能耕恐飢餒軍機大臣劾其冒瀆

諭曰班珠爾等投誠以來朕屢次施恩現距夏秋尚遠

果有必須接濟之處朕自加恩賞給何必預爲陳請前以唐喀祿尙能通曉蒙古言語是以賞給副都統銜俾照管阿睦爾撒納等游牧乃一切未能盡心徒事瑣屑著卽撤回仍在員外郎上行走尋奏留同理游牧之扎薩克林丕勒多爾濟

諭曰衆額魯特俱隨大軍進剿游牧處復有何事唐喀祿擅將將軍調遣之人不行發往甚屬可惡着該部嚴察議奏尋議得溺職例革職得

旨唐喀祿不應僅予革職在家安居著交理藩院作爲筆帖式行走不必給與頂帶九月給還員外郎原職命護送濟隆呼圖克圖由巴林赴伊犁十二月管理定邊右副將軍薩喇爾游牧二十一年四月

諭曰北路軍營辦事乏人員外郎唐喀祿尙諳蒙古事務著賞副都統銜授爲領隊大臣隨同哈達哈辦事

五月

命率駐防扎布堪兵一千隨大軍赴哈薩克索叛賊阿

睦爾撒納七月賊固爾班和卓潛遁烏梁海唐喀祿報定邊右副將軍哈達哈馳剿擒之得

旨獎賞授副都統

賜孔雀翎尋阿睦爾撒納黨達瓦藏布由額爾齊斯糾烏梁海博博等肆劫唐喀祿以兵五百授索倫總管鄂博什擒降其衆三百餘又咨會副都統舒赫德派兵赴額爾濟斯駐防閏九月

命駐科布多辦事十一月奏言科布多地近卡倫兵丁

命其不敷差遣請于撤回大軍及臺站兵內酌留三百
名報

聞十二月授理藩院侍郎尋補鑲藍旗蒙古副都統
十二年二月奏言輝特降衆自遷至扎克賽地方
自相劫掠且係阿睦爾撒納親屬請遷往呼倫貝
爾齊齊哈爾等處又巴勒濟得木齊亦願遷往察
哈爾

詔如所請尋授叅贊大臣偕杜爾伯特汗策凌等堵剿

噶勒雜特賊衆三月奏言喀爾喀地方現有扎哈
沁特楞古特奇爾吉斯烏爾罕濟蘭人等約萬餘
日久難免滋事請將扎哈沁人移駐卡倫內特楞
吉特奇爾吉斯烏爾罕濟蘭人給東三省兵丁爲
餉昔奴

上可其奏是月擒輝特逃賊策卜登多爾濟等

諭部議敘四月奏請移杜爾伯特游牧於烏蘭固木得
旨俞允並

欽定八旗通志 卷一百八十八 人物志六十八
獎其辦理妥協時西路大軍剿叛賊哈薩克錫喇

命唐喀祿以兵駐額爾齊斯爲聲援會阿睦爾撒納自

北回哈薩克蟹歸爲西路軍所敗

諭偕喀爾喀郡王品級車木楚克扎布留心堵剿八月

奏言臣等辦理阿睦爾撒納所留種地之烏梁海

等處途次偵杜爾伯特貝勒巴圖博羅特台吉阿

喇善等潛與阿睦爾撒納通臣遣兵趨擒之于輝

巴朗山後並剿滅烏梁海五十餘戶現領兵赴塔

爾巴哈台搜拏阿睦爾撒納及哈薩克錫喇

諭曰唐喀祿等和衷商辦甚合機宜着交部議敘并將

御用荷包鼻烟壺加恩賞賜九月

諭曰據兆惠奏唐喀祿等咨報選兵三百名令瑚爾起

進剿餘兵卽行撤回唐喀祿等係特派擒剿哈薩克

錫喇之人到塔爾巴哈台等處輒行撤兵殊屬乖謬

着交部嚴加議處至唐喀祿等撤回兆惠已經具奏

而伊尙未奏到是又必自分彼此仍留北路具奏以

致遲滯耳尋唐喀祿奏至言糧不敷馬乏已遵前旨撤兵

諭曰朕屢諭伊等追擒哈薩克錫喇何嘗令其撤兵卽有豫籌撤兵之語亦謂交辦事竣之後耳豈現諭擒賊而卽令撤兵耶唐喀祿若但歸咎于口糧馬力將兵撤回不過交部議處乃竟以遵旨撤兵飾詞取巧僅予議處不足示懲着革侍郎副都統職降爲藍翎侍衛交納穆扎爾差遣効力十月

諭曰據烏梁海人等告稱阿爾台以外逸賊頗多已諭護送哈薩克來使之和碩齊詳細搜查着傳諭納穆扎爾等派唐喀祿帶兵二百同侍衛二人赴彼處適中之地駐劄一有信息卽行接應唐喀祿係獲罪之人今令効力自贖宜知奮勉十二月

命協勦巴哈曼集等賊衆尋以阿睦爾撒納竄俄羅斯命偕和碩齊駐額爾齊斯等處偵禦二十三年正月諭曰阿桂等奏稱和碩齊唐喀祿遵旨將哈薩克使臣

送至邊界卽前往額爾齊斯之和尼邁拉呼布空郭勒地方堵剿沙喇伯勒逋逃賊衆著傳諭伊等奮勉擒剿勿致免脫三月定邊將軍兆惠奏土爾扈特舍稜等謀竄俄羅斯

命唐喀祿與和碩齊速往堵剿四月偵舍稜伏阿古爾哈爾海率兵追至布固圖河舍稜弟勞章扎卜被擒詭爲兄乞降唐喀祿未信和碩齊遽縱之還越日舍稜詭約降且獻酒和碩齊飲之免唐喀祿造

其營賊忽譟唐喀祿及侍衛富錫爾穆倫保佛爾慶額力戰均遇害和碩齊更衣降賊叅贊大臣阿桂以

聞

諭曰唐喀祿雖一時被誘遇害尙能奮勇捐軀深可憫惻着交部照陣亡副都統例議卹侍衛富錫爾穆倫保佛爾慶額等亦著交部議卹俱給世職尋

命入祀昭忠祠給騎都尉世職子唐代山襲富錫爾佛爾

慶額滿洲鑲黃旗人穆倫保滿洲正白旗人均入祀昭忠祠其子襲雲騎尉

德福

德福蒙古正藍旗人姓巴魯特乾隆十三年由前鋒派往金川軍營十四年撤還授前鋒校二十年從征達瓦齊二十三年隨將軍兆惠剿逆回霍集占于葉爾羌師旋敘功

賞給雲騎尉世職二十六年授副前鋒叅領三十二年

赴雲南軍營

賜戴孔雀翎題補東川營叅將將軍明瑞擊賊於蠻結猛育等處德福均在事有功遷騰越營副將三十年擢鶴麗鎮總兵三十四年偕侍衛巴朗克車德等剿賊於猛戛賊酋苗溫等敗遁斬獲甚衆尋隨大軍進攻老官屯賊據寨以死拒德福身先督戰被創死之經畧傅恒以

聞

諭曰總兵德福身先士卒奮勇捐軀深為軫惻著入祀
旌勇祠應得卹典該部察例具奏尋

賜祭葬如例並

命入祀昭忠祠子音德赫廕都司襲雲騎尉

甘都

甘都先世居葉赫遷巴林因以巴林為氏

太祖高皇帝時率子弟來歸授佐領隸鑲藍旗蒙古

太宗文皇帝天聰元年從征寧遠擊敗明兵於城北山岡

追逐至壕塹二年從征明攻克大安口敗敵玉田

縣

上親統師取遵化簡將士駐守甘都與焉明年大軍棄遵

化出邊甘都為殿擊敗追襲敵兵八年予三等輕

車都尉世職擢任兵部叅政崇德三年考滿晉世

職為二等輕車都尉尋以裁叅政改兵部理事官

隨貝勒岳託證明北京擊敗明總兵祖大壽及太

監高起潛等軍進趨山東攻克濟南府城明年春

師還取道蠡縣復克其城敘功晉一等輕車都尉
會佐領傅喀爭濟南先登功引甘都爲証甘都坐
附和罰鍰五年從征瑚爾哈部有索倫兵五百據
掛拉爾屯甘都同承政索海理事官喀喀穆率兵
攻破其柵斬級二百生擒一百三十人以歸六年
大軍圍錦州明總督洪承疇列營松山屢以步騎
來犯甘都皆擊敗之恭順王孔有德之長史徐勝
芳爲敵所困甘都突入陣援之出七年錦州下部

議諸將徇隱軍士失律罪甘都應罰鍰得

旨寬免仍敘功加一雲騎尉順治元年四月隨睿親王多
爾袞入山海關擊敗流賊李自成十二月隨豫親
王多鐸由河南征陝西屢敗自成賊衆遂克潼關
取西安二年五月移師征江南同都統恩格圖瑪
拉希等取宜興崑山二縣敘功晉二等男三年隨
端重親王博洛征浙江追勦明總兵方國安於黃
巖環城困之偵賊勢旣蹙撤圍一面縱其出遁擊

之賊皆潰城遂拔大軍進征福建甘都先衆攻克
分水關追勦明唐王朱聿鍵於汀州招降漳州府
及漳平縣五年

上命都統譚泰爲征南大將軍討叛鎮金聲桓甘都署前
鋒統領率兵赴江西遇

恩詔晉二等男尋以疾卒於軍子武山布襲爵

瑋錦

瑋錦姓薩爾圖世居敖漢部當

太宗文皇帝收服敖漢時瑋錦隨衆來歸迷失路竄入明

錦州崇德六年大兵圍錦州瑋錦同蒙古台吉諾

木齊武巴什等縋城來降授騎都尉世職隸鑲藍

旗蒙古任叅領順治元年四月隨睿親王多爾袞

入山海關擊流賊李自成署副都統事督後隊兵

有功加一雲騎尉六月與都統覺羅巴哈納征山

東七月移師山西僞伯陳永福據太原瑋錦單騎

畧城下城中兵突出瑋錦擊敗之已而我軍攻克

太原城其屬五州十縣皆降以功
賚百金二年同都統都類勦自成於武昌追至九江口獲
賊船明年隨肅親王豪格征流賊張獻忠時叛鎮
賀珍擾漢中以步騎二千據雞頭關璋錦率右翼
兵隨貝勒尼堪擊敗之珍遁走追斬無算遂進征
四川同都統巴特瑪等屢擊敗獻忠拒戰賊衆獻
忠既滅移師涪州與護軍叅領希爾根擊賊袁韜
於涪江西岸賊皆潰竄五年敘功晉三等輕車都

尉尋擢鑲藍旗蒙古副都統隨鄭親王濟爾哈朗
征湖南時明福王朱由榔將馬進忠王進才袁宗
第等盤踞寶慶沅州六年瑄錦同前鋒統領努山
副都統拜音岱等攻克寶慶破其營遂征沅州領
本旗兵進擊於洪江斬其總兵二副將四兵二千
餘獲船九七年凱旋得

優賚三遇

恩詔晉一等輕車都尉兼一雲騎尉十五年隨信郡王多

尼征雲南朱由榔與其將李定國等敗竄永昌十
 六年四月大軍克永昌渡潞江定國設伏磨盤山
 我師既破其本柵琿錦同都統沙理布乘勝追擊
 遇伏力戰歿於陣

賜祭葬如典禮諡曰壯勤兄子古錫襲職

秦布

秦布蒙古鑲藍旗人姓烏朗罕濟勒們世居喀爾
 沁地方康熙二十三年襲其祖圖馬賴所遺一等

輕車都尉四十四年四月授叅領十一月授鑾儀
 使五十九年遷滿洲鑲紅旗副都統雍正二年調
 蒙古鑲紅旗副都統五年遷蒙古鑲藍旗都統七
 年署正紅旗護軍統領八年授陝西西安將軍九
 年七月疏言西安額設兵丁八千今戶口繁滋將
 及四萬請於滿洲餘丁內遷一千令其當差遇有
 調遣處照馬兵例派往俟兵事告竣陸續裁汰從
 之十三年五月奏涼州駐防兵二千名內請選精

壯者二百爲前鋒西寧一千名內選一百爲前鋒
滿洲八旗兩翼並分設協領一員蒙古八旗兩翼
並合設協領一員滿洲每旗佐領並設一員蒙古
佐領涼州則每旗分設一員西寧則兩旗合設一
員其管理行文事件之筆帖式涼州設三員西寧
設二員西寧副都統事務繁多應於協領內揀選
一員協辦涼州將軍衙門照依西安例設二司其
將軍副都統印信二司關防協領條記請交部鑄

給至官兵俸餉口糧等項照西安例支領軍機大
臣議行乾隆元年正月奏請涼州西寧兩處添設
步兵一千並請將西寧滿洲兵移駐莊浪四月請
將西安兵四千改爲烏鎗兵均得

旨允行三年三月奏言原例窩逃之地方人等處分甚
嚴地方官亦有責任嗣因都統塞德奏准逃人在
地方居住未及一年若不知情地方官並窩家俱
免議致兵丁跟役逃亡益甚請仍照原例嚴加議

處下九卿議覆從之五年三月以年老休致八月
西安將軍綽爾多劾秦布前在將軍任內違例徇
情將兵丁錢糧撥給額外筆帖式部議革職八年
八月卒

欽定八旗通志卷一百八十八

欽定八旗通志卷一百八十九
人物志六十九

大臣傳五十五

漢軍鑲黃旗一 范文程 丁文

劉之源

胡有陞

楊名高

郎廷佐

趙廷

臣 高天爵

范文程

范文程瀋陽人曾祖總明嘉靖時官兵部尚書祖

沉瀋陽衛指揮同知父楠未仕文程少好讀書穎

敏沉毅與兄文寔並爲生員天命二年大兵克撫

順文程年二十有一

太祖高皇帝見而器之

召與語知其熟於當世之務使隨行及取遼陽度三岔攻

西平下廣寧皆叅謀帷幄天聰三年以文館官從

太宗文皇帝伐明入薊門克遵化招服潘家口馬蘭峪三

屯營馬欄關大安口五城會我師在大安爲敵所

圍文程以火器進攻圍解

太宗自將臨永平令守遵化敵兵掩至文程率先力戰敵

敗走論功授二等輕車都尉世職五年八月師圍

大凌河城文程招降西山一臺

命卽統其衆六年六月

太宗詢廷臣伐明之策文程與甯完我等言我軍如欲深

入當乘其無備直抵北京訊其和否毀山海關水

門而歸以壯軍威計所從入惟雁門關爲便並諭

沿路軍民俟版圖歸我酌免賦稅示愛養意

太宗嘉納之崇德元年五月授秘書院大學士初八旗置

都統衆議首推文程

太宗曰此職一軍耳朕方資爲心膂其別議之時文程所
領皆樞密事每入對必漏下數十刻始出或未及
食息復奉

召入凡

宣諭各國勅書率撰擬以進至是改文館爲內三院遂有
是

命八年八月

世祖章皇帝嗣位

命以其族屬隸鑲黃旗順治元年睿親王多爾袞將統兵
伐明文程上議曰迺者明之流寇煽亂其君若臣
不能相保雖天數使然良由我

先皇帝憂勤肇造諸王大臣夾輔

冲主忠格蒼穹

上帝潛爲啟佑也竊惟承丕業以垂休萬禩者此時失機
會而貽悔將來者亦此時何以言之中原荼苦已

極黔首無依思歸令主以圖樂業明之受病已不可治其土地人民不患不得患得而不爲我有耳曩者乘遵化屠永平一再深入而返彼以我爲無大志縱來歸附未必撫恤因懷携貳今日有已服者有未服宜撫者是當申嚴紀律秋毫勿犯復宣諭以昔日不守內地之由及今進取中原之意官仍其職民復其業錄賢能恤無告大河以北可傳檄而定也此行或直趨北京或相機攻取必於山

海長城以西擇一堅城頓兵而守以爲門戶惟諸王察之大軍遂發文程從師渡遼河明山海關總兵吳三桂以闖賊陷北京來乞師文程曰自闖寇猖狂中原塗炭近且傾覆京師戕厥君后此必討之賊也我

國家上下同心兵甲選練誠聲罪以臨之恤其士夫拯厥黎庶兵以義動何功不成乎復言好生者天之德也兵者聖人不得已而用之自古未有嗜殺

而得天下者聖人不歸正而用之官自未嘗
國家欲統一區夏非以安百姓不可于是申嚴紀律
安殺者有罪旣敗流賊二十萬於山海關我兵長
驅而西民多逃匿文程草檄宣諭曰義兵之來爲
爾等復君父仇所誅者惟闖賊師律素嚴必不汝
害民心遂安師入北京建議備禮葬明崇禎帝時
宮闕灰燼百度廢弛文程收集諸曹冊籍布文告
給軍需事無巨細咸與議焉明季賦額屢增籍皆

燬於寇惟萬厯時故籍存或欲於直省求新冊文
程不可曰卽此爲額猶恐病民豈可更求哉自是
天下田賦悉照萬厯年間則例徵收除天啟崇禎
時諸加派民獲蘇息二年正月敘功晉三等男十
月江南旣平上疏言治天下在得民心士爲秀民
士心得則民心得矣宜廣其途以蒐之請於丙戌
會試後八月再行鄉試丁亥二月再行會試從之
三年四年兩充會試主考官五年十一月晉一等

男 年四十四歲 會試主考官 辛酉年十一月 官一等

賜巴克什號六年正月充纂修

太宗實錄總裁官二月復爲會試主考官七年遇

恩詔加一雲騎尉世職八年正月晉二等子閏二月大學

士副林以黨附睿親王多爾袞獲罪其刪改

太祖實錄辭連文程並議罪先是三年二月睿親王誠大

學士等宜時具條奏文程以凡有聞見卽面啟無

庸具本對王曰爾素有疾毋過勞自後可早出休

沐逾數月甘肅巡撫黃圖安請終養部議借端規

避應革職文程白鄭親王濟爾哈朗曰終養乃人

子至情不宜如部議睿親王怒其不先白已也下

法司論罪旣而釋之後文程因不合睿親王意時

稱疾家居至是

世祖以文程在

盛京時不附貝勒碩託後亦不附睿親王衆所共知

免其罪革職留任未幾復原職九年遇

恩詔晉一等子尋任議政大臣疏曰臣見直省土地荒蕪
賦虧餉絀國家大害在此然軍屯可與國家大利
亦在此昔明太祖嘗言養兵百萬不費民間一粒
亦當元季亂後地曠行屯故耳今湖廣江西河南
山東陝西五省寇亂日久人民稀少請設興屯道
綜理之同知分理之地之無主者卽爲官屯其有
主而拋棄者多方招徠過期不至乃爲官屯凡土
著流戶願來耕者均給以地量助牛種官分子粒

三之一二三年後爲永業編行保甲俾守望相助其
無本者官給僱直則遠近饑民間風踵至亦救荒
之術也初屯之時所收糧草皆道廳留貯出陳易
新爲次年加墾計其難久存者就近撥供兵馬雇
舟車起運勿僉點屯民動用屯牛則屯事得永久
矣又興屯之處府縣有司聽屯道提調理屯同知
惟屯道管轄如開墾日增撫按特薦做邊俸例三
年陞二級以酬其勞其不職者嚴糾之所當信賞

必罰也疏上

命諸王大臣會議舉行十一月以科道官當審親王攝政

時劾大學士馮銓降革者彙原疏進呈

御覽

世祖曰諸臣所劾誠當何為以此罷耶文程曰諸臣疏劾

大臣無非為君為國

皇上當愛惜之

世祖遂

諭吏部俱以原官起用十年正月請令部院三品以上大

臣各舉所知不論滿漢不拘資格不計親疎取正

直才守之人堪任何官列疏奏聞一官可舉數官

數官可舉一官將姓名彙置

御前不時召對察其議論核其行事遇缺請

旨簡用若用後稱職保舉官加以優典否則量罪連坐

詔允所議十一年八月加少保兼太子太保時

遣官赴直省恤刑因疏言前此遣滿漢大臣巡方慮有擾

金定八旗通志 卷一百八十九 人物志六十九
民是以停止今四方水旱災傷紛紛見告亦應請
停止其見禁重囚

勅各巡撫詳勘以可矜可疑者奏聞裁定從之九月以疾
乞休奉

諭曰大學士范文程任事多年忠誠練達朕所倚賴乃近
以積勞成病仍夙夜在公未得專事藥餌深繫朕懷暫
令解任安心調攝俟病痊召用

特晉太傅兼太子太師頻

賜藥餌存問十四年

詔晉秩一級圖其像藏之內府

聖祖仁皇帝嗣位奉

命祭告

太宗山陵康熙五年八月卒年七十

賜祭立碑諡文肅五十二年

御書元輔高風以額其祠文程經事

四朝寵錫優異在

盛京時

列聖皆呼其官而不各以其形貌願偉所

賜衣冠皆特製居恒言治天下惟在得賢庶官有才者不以一青掩滯除拔擢時爲奏請焉謝政後居別墅中以詩書騎射教子弟性廉慎樂施與器量淵深人莫窺其喜怒子六人承斌襲一等子曾承謨承勳別有傳

丁文盛

子思孔

丁文盛廣寧人初爲明諸生

太祖高皇帝天命六年來歸隸鑲黃旗漢軍

太宗文皇帝崇德三年任兵部啟心郎順治元年大兵定

山東授文盛登萊兵備道二年六月擢山東巡撫

閏六月濰縣土賊張廣糾衆數千犯萊州文盛檄

遊擊馮武卿等分勦敗賊於三埠及紅山斬賊黨

尼思齊趙朋春張廣奔平度遊擊楊遇明率兵追

及徐里墮四面環攻廣中鏃死擒斬餘黨無算十

二月文盛疏言明季馬政廢弛郵傳缺用輒索之閭閻致滋擾累自今各驛缺馬宜卽以餘存驛站額銀隨時買補又言東省當兵燹之後村落多墟市集皆廢明季所增牙雜二稅請盡行除免舊制臨清東昌平山諸衛設兵五千餘至是虛額過半文盛請裁留二千以節軍餉令州縣各募壯丁服則聽其自謀生理遇盜賊竊發協力扞禦又請

勅有司清理刑獄嚴禁獄卒非法凌虐疏皆下部議行二

年冬在平高唐禹城武城新城等縣爲土賊劫掠

文盛請兵

上遣副都統覺善率兵往勦四年正月給事中林起龍御

史金元楨交章劾文盛才庸不勝重任部議革職

命降一級調用九月授河南按察使六年遷福建布政使

七年三月卒於官子思孔順治九年進士改庶吉

士授秘書院檢討十四年擢國史院侍讀十八年

授陝西漢羌道康熙二年巡撫賈漢復劾思孔承

追胥役侵欺糧草逾限部議降二級調用五年補
河南開封府同知思孔詣通政司辯前在漢羌會
以侵欺糧草之胥役斃獄產絕等情屢牒巡撫賈
漢復漢復遲久乃入告思孔無承追逾限罪事下
總督白如梅察奏咎在漢復援

恩詔免議復思孔所降級補直隸通薊道時直隸未設布
政使八年增設直隸總管錢穀守道與巡撫同駐
保定調思孔任之十四年遷江南按察使十五年

授湖北布政使未之任卽調江南二十一年遇計
典兩江總督于成龍疏薦思孔任布政使數年籌
江西湖廣軍需應期無誤大軍征勦海賊往來絡
繹料理裕如且有修造蘇州府學創設育嬰堂養
濟院諸善政其介性清操亦矯然特立因有督催
錢糧未完各案不得與卓異之列專疏薦舉請破
格擢用得

育丁思孔供職勤慎着往爲卓異二十二年擢偏沅巡撫

既莅事倡率司道等官修造嶽麓書院置田三百畝資諸生膏火二十四年五月疏言嶽麓書院創自宋開寶時爲四大書院之一乾道時張栻教授於此朱子自閩至與講學數旬後朱子之潭州增廣學舍者益衆今修造以復舊規乞

御書匾額並

賜日講解義諸書

上允所請

御書學達性天四字俾懸書院二十七年二月調河南巡撫時裁湖廣總督標下將弁胥令候缺酌補五月裁兵夏逢龍作亂約中軍副將傅爾學叅將李廷秀遊擊金奇功守備林德千總胡耀乾馬兵周凱萬金鑑等叛據武昌巡撫柯永昇糧道葉映榴並遇害賊分掠黃州德安

上命振武將軍瓦岱率師討之調思孔湖北巡撫詔速赴荊州防守專理兵餉思孔以武昌倉庫被賊劫掠

各營兵餉俱缺先借撥河南布政使庫銀委員齎隨至襄陽卽散給將士鄖陽諸營應於荊州支領者亦令就襄陽發給俾免稽遲疏報稱

旨七月瓦岱師至黃州夏逢龍就擒伏誅其黨僞總兵胡耀乾李廷秀萬金鑑周凱僞副將林德僞巡撫傅爾學僞布政婁方順僞驛道金奇功等皆降思孔至武昌察獲賊黨掠匿庫銀九萬餘兩還貯諸庫數耀乾等八人罪並斬以徇九月復設湖廣總督

卽擢思孔任之二十八年請增設武昌荊州岳州常德水師並移辰沅宜都諸處戰艦以供訓練疏下部議行二十三年四月調雲貴總督八月卒於官

賜祭葬四十四年

御書續著南邦額表思孔家祠

張大猷

張大猷遼陽人後隸漢軍鑲黃旗

金定人於通志 卷一百八十九
太祖高皇帝天命六年大兵克遼陽大猷時爲明千總自
廣寧來降授佐領逾年明邊將誘我新附之衆往
歸遣人爲間諜匿遊擊郎某所大猷發其事

太宗文皇帝嘉之予三等輕車都尉世職天聰九年以所
管丁壯缺額論罰鍰崇德三年任刑部理事官尋
擢右翼漢軍副都統四年正月大兵征明錦州以
礮擊破城旁一臺臺中敵兵尙拒守旣而乘間遁
去大猷坐防範不嚴部議革職罷任得

旨從寬罰鍰六月更定漢軍旗制授鑲黃旗副都統五年

隨睿親王多爾袞圍錦州率本旗兵攻取五里臺
及涼馬山馬家湖諸處又克金塔口臺六年隨鄭
親王濟爾哈朗圍錦州會松山騎兵突出奪我紅
衣礮大猷擊卻之復同都統劉之源等攻克塔山
杏山及附近諸臺論功晉二等輕車都尉七年六
月擢兵部叅政十月隨貝勒阿巴泰證明師至渾
河築橋以濟明總督范志完集兵拒戰大猷與副

都統祖澤洪擊敗之八年隨鄭親王征明寧遠取前屯衛中後所二城晉一等輕車都尉順治元年同都統葉臣劉之源等征山西追逐流賊李自成之將郭某擒斬之合兵攻克太原府城復同都統李國翰招撫郡邑賊衆據黃河濱立柵大猷攻毀之賊潰遁獲船十有五二年隨大軍定江南同都統吳守進率兵征浙江至石門縣明兵自錢塘乘夜來襲營大猷奮擊卻之進取嘉興府同都統格

恩圖擊敗城中出戰兵遂克其城先後取揚州崑山常熟江陰諸郡縣皆督兵以礮克城有功二年二月

命同侍郎巴山率兵鎮守江寧總管漢軍及綠旗兵旋授爲提督江南總兵官五月敘元年以來軍功晉爵三等男四年明故官侯峒曾之子侯元濤等潛遣人通明魯王朱以海於海島取僞鎮黃斌卿書以歸爲柘林遊擊陳可所獲大猷與巴山以其書入

奏得

百嘉獎曰爾等嚴察亂萌具見公忠盡職六年率兵勦六安州山賊賊渠張福寰自明季結黨倡亂聯據英山霍山倚險立寨負固有年至是江南總督馬國柱以兵進勦大猷與巴山率兵會之陣斬福寰諸賊寨俱剪平國柱奏捷謂大猷身先士卒履險摧鋒功居第一屢遇

恩詔晉爵至三等子世襲罔替九年正月卒於官以其子

應庚襲爵

馬光輝

馬光輝大興人後隸鑲黃旗漢軍初爲明武舉

太宗文皇帝天聰四年隨其兄光遠光先來降授備禦七年予三等輕車都尉世職崇德三年任戶部理事官四年正月以貸官商貨物三年不償罷任革世職六月增設漢軍官員授光輝鑲黃旗副都統五年隨大軍圍明錦州擊敗松山杏山敵兵六年兼

任吏部叅政七年隨鄭親王濟爾哈朗攻克塔山城及附近諸臺復攻克杏山城敘功復三等輕車都尉世職時大軍旣取錦州光輝奉

命同都統孟喬芳率八旗漢軍叅領各一往錦州督鑄神威大將軍礮工竣還奏稱

旨八年隨鄭親王征明寧遠以礮攻克中後所前屯衛二城晉世職爲一等輕車都尉順治元年

世祖章皇帝定鼎燕京六部叅政改稱侍郎光輝仍任吏

部四年考滿加雲騎尉世職五年隨征南大將軍譚泰討江西叛鎮金聲桓聲桓旣伏誅譚泰承

制得便宜除授欲以光輝爲江西提督光輝辭不就旣而譚泰欲以都察院理事官紀國先爲掌印都司國先謂文職不應授武官且云不善者以善置之善者以不善置之天下反亂職是故耳譚泰奏劾國先因以光輝辭提督事入告部議國先應棄市籍沒光輝應罷任革世職得

旨免國先死籍家產半光輝罷副都統及侍郎任降世
職爲騎都尉七年復任副都統八年

上以光輝素著軍功仍予世職爲一等輕車都尉加一雲
騎尉遇

恩詔晉爵三等男是年閏二月兼任刑部侍郎五月調戶
部侍郎十月授直隸山東河南總督十年九月膠
州總兵海時行叛脅鎮標官兵從逆肆掠萊沂間
光輝統兵進勦至沂州時行引賊走宿遷結浮橋

渡河我兵乘其半渡擊之賊多墜水死時行走河
南永城光輝同漕運總督沈文奎自靈璧縣趨永
城賊據洪河集西拒戰光輝分兵左右夾擊自午
至酉殺賊無算時行窮蹙乞降光輝縛之並逮繫
其子弟妻孥及從逆裨將數人以

聞得

旨嘉獎下部議敘加一級廕一子入監十一月以疾乞罷
上以其才猷練達慰留之十一年二月

甄別督撫諸臣加光輝太子少保尋再疏乞罷

詔還京調治十二年七月卒

賜祭葬如例諡忠靖子爾泰襲爵

張文衡

張文衡遼東開平衛人初爲明諸生天聰八年

太宗文皇帝親統大兵由宣化府入明邊文衡自大同走

謁言在明爲代王府叅謀見明國諸臣結黨貪財

專意罔上嚴刑厚斂民不堪命臣審時度勢知天

命有歸成大事者必在

聖主故徒步來歸又疏陳進取之策以收服人心爲本

上嘉納之授秘書院副理事官

賜田宅銀幣以大臣雅希禪女妻之隸鑲黃旗漢軍順治

元年七月授山東青州府知府甫之任總兵柯永

盛率青州駐防兵征高密招撫侍郎王鰲永至青

州籌備軍餉流賊李自成裨將趙應元由長山縣

結土賊數千掠民馬數百矚青州兵少佯就鰲永

招撫請置其家屬於城中而自率衆助征高密既
入城以乏餉鼓噪執鰲永殺之文衡分遣官吏告
急於永盛及登萊巡撫陳錦自往見應元許以保
奏留鎮青州卽草疏佯詆鰲永激變謂應元殺鰲
永由部衆所逼願立功自効遣人齎奏應元信悅
攫庫金與羣賊縱飲會自京出征登萊之副都統
和托李率泰統師至駐營於城之西北文衡誘應
元至軍營通欵和托等慰勞遣還密令我兵隨文

衡入城分布防守乘夜擒斬應元及其黨數十人
徧諭脅從者弗罪賊遂平二年調淮安府知府時
豫親王多鐸統師征揚州過淮安文衡請禁兵卒
入城市俾居民安堵軍糧戰艦及芻秣皆應期立
辦三年總督洪承疇奏擢徽寧道淮安士民籲留
漕運總督王文奎疏

聞不允時徽州土賊汪張飛劉時劉祥等猖獗蔓延文衡
協助諸將勦平之四年四月擢江南按察使八月

授甘肅巡撫五年二月至蘭州受事三月陝西總督孟喬芳調蘭州鎮兵征四川逆回米喇印丁國棟既降復叛窺鎮兵憚於遠征陰結中軍叅將蔣國泰等詭言會議邀文衡至米喇印家文衡將至賊集矢射之遂遇害時年四十有七總兵劉良臣西寧巡道林維造守道張鵬翼副將毛鑽潘雲騰遊擊黃得成都司王之儁守備胡大年等皆同時殉節事

聞並

賜卹有差文衡贈都察院右副都御史廕一子入監康熙

二十一年入開平衛鄉賢祠雍正十二年入祀昭

忠祠

四劉之源

劉之源漢軍鑲黃旗人

太宗文皇帝天聰十年三月授叅領崇德五年五月從

上征明錦州距城東五里以紅衣礮攻克其臺復列礮城

北攻克晾馬臺擊斃六人降其卒十三人是年兩
黃旗漢軍都統馬光遠因疾解任以之源代之六
年八月隨睿親王多爾袞圍松山以礮攻克近城
四臺斬守備二都司一擒副將王希賢叅將崔定
國都司楊重鎮等明兵尋自松山遁高橋迤南三
臺之源率前隊兵攻克之多斬馘七年四月隨鄭
親王濟爾哈朗圍塔山列礮城西擊毀城垣二十
餘丈殲其守城兵衆進克杏山城北一臺復擊毀

杏山城城中人驚懼悉降敘功予二等輕車都尉
世職時分設八旗漢軍都統授之源鑲黃旗漢軍
都統八年十月隨鄭親王攻明中後所拔其城斬
遊擊吳良弼都司王國安等進征前屯衛復以礮
攻克其城敘功晉一等輕車都尉世職順治元年
大兵定燕京

命之源同都統李國翰勦平畿南餘賊時流賊李自成遁
陝西偽伯陳永福等竊據太原之源同都統葉臣

欽定八旗通志 卷一百八十九
等攻克其城又同都統巴哈納自汾州勦賊至平陽斬賊四千餘山西州縣悉就招撫師還得

優資二年隨順承郡王勒克德渾征流賊至湖廣同李國翰殲賊應山縣時偽總兵馬進忠降而復叛之源同都統金礪擊敗之武昌奪賊艘六十餘復追敗餘黨於湖泊明年敘功加一雲騎尉五年

命爲定南將軍率左翼漢軍隨鄭親王征湖廣六年進攻湘潭明總督何騰蛟分兵二隊出城拒戰我軍分

擊大敗之克其城生擒騰蛟乘夜率兵追勦馬進忠平明薄其營奮力衝擊遂克寶慶并破南山坡九營陣斬其總兵馬有志胡進玉等進忠僅以身免又破袁宗第營於洪江駐師沅州其總兵王強來犯之源敗之於便水驛斬級七百及副將三人累遇

恩詔晉世職至一等男又一雲騎尉八年同都統金礪駐防杭州時明大學士張肯堂蕩湖侯阮進定西侯

欽定八旗通志 卷一百八十九 八旗通志 三
張名振等擁魯王朱以海據舟山之源與總督陳
錦總兵田雄會師進勦由寧波之定關出海阮進
集戰艦以拒我師敗之於橫洋生擒進復分兵擊
勦三戰皆捷遂至舟山之螺頭門肯堂集城中兵
六千堅守十餘日我兵用雲梯破城肯堂及尚書
李向中吳鍾巒侍郎朱永佑等縱火自焚死名振
擁魯王遁三盤島之源遣總兵馬進寶等率兵追
克之焚其積聚復敗之沙埕收各嶼戶口八千五

百餘悉令歸農因與陳錦金礪奏設陸兵一千爲
中營水兵二千爲左右營駐守舟山增設弁備統
以副將敘功晉三等子世襲罔替十六年八月授
鎮海大將軍駐防鎮江疏言京口要地百川匯流
所以通京南半壁之財賦輓運北輪近因海賊鄭
成功狡逞糾逆黨聯艘入江來犯幾至橫截運道
臣思賊之所長在水宜先練習水師以資防禦夫
防海之策有三出海會哨勿使入江上策也循塘

金定八旗通志 卷一百八十九
拒敵勿使登陸中策也列陣備兵勿使近城策斯
下矣顧水師必先儻造船隻今礮火器具水手舵
工百無一備何以禦賊乞

勅總督郎廷佐速爲製備下部速議行之十七年七月
疏陳三事一沿海居民向有雙桅沙船一名捕魚
亦名立功自明時因引倭入寇久經飭禁至今未
盡革除姦民多夤緣汛官買口私出因臣申嚴海
禁始開報船戶花名投營効用此等船隻造作緊

固其人皆熟於洋面水道若徒許令投營不爲安
插得所日久必仍販載禁貨出洋或且爲海賊耳
自今令京口水師造船二百招募水手舵工八千
餘名一時正難精當莫若悉將兩項船隻查驗堪
用者量給價值各船戶照例給以糧餉既可省鳩
庀製造之費亦可杜私通海逆之弊一汛防向設
戰船分散各營船式低小猝遇海賊大艘勢難相
抵臣思京口水師旣造船隻旌旗舳艫煥然改色

江寧亦有沙唬各船備用則此等小舟除狼山福山吳淞各口酌留數號以備傳遞哨探之用其餘不必槩行修補以省無益之費一邊海汎地緊要凡礮臺烽墩橋路宜修葺高廣豫備不虞臣已屢飭沿海州縣至今玩誤不行請

勅督撫嚴行申飭疏下兵部並從其言

詔江南督撫提鎮實心奉行無得因循怠玩是年緝獲海逆鄭成功所遣僞兵部黃徵明得交結蘇松提督

馬逢知及逢知受賄關通狀入奏

特命刑部侍郎尼滿赴江南會同之源審擬事俱實逢知伏誅康熙元年十二月招降僞肇敏將軍陳文達僞總兵羅永德等三年四月乞休

召還京仍任都統四年七月復乞休得

旨劉之源自

太宗時委任勤勞年久著以原銜加太子太保致仕旋以其子副都統劉光代爲都統八年內大臣鰲拜獲

罪拘禁之源與光並坐黨附革職任擬立斬籍沒
上命從寬俱免死之源尋卒二十年妻胡氏叩

闡訴之源功可抵罪

詔復原銜並予三等子爵以光襲

胡有陞

胡有陞錦州人

太宗文皇帝崇德元年睿親王多爾袞豫親王多鐸征明
錦州道人崔應時與民人張紹楨門世文門世科

秦永福等五十人謀以城降使有陞持書詣我軍
期爲內應豫親王與書齎還明將覺之執應時等
數十人置諸獄有陞同紹楨世文世科永福乘間
脫走來歸各

賜冠服鞍馬妻室奴僕授世職有差有陞得授三等男隸

鑲黃旗漢軍七年隨貝勒阿巴泰征明薊州越燕
京趨山東敗明總督范志完兵於渾河八年隨鄭
親王濟爾哈朗征明寧遠攻克前屯衛中後所二

城敘功晉二等男順治四年授南贛總兵五年總兵金聲桓偕副將王得仁據南昌叛糾衆犯贛州先以書招左協副將高進庫進庫不從勒兵出戰爲賊先鋒劉一鵬所敗乃收兵爲固守計巡撫劉武元巡道張鳳儀分守城東西有陞率健卒沿城策應賊穴城將置火具仰攻有陞以石塞所穴竇賊計遂沮閱三月城中糧匱有陞督兵出戰賊敗却數里聲桓聞大軍由九江直搗南昌倉皇引衆

北走有陞追擊之斬馘無算未幾廣東叛鎮李成棟犯贛州有陞率諸將乘賊方鑿壕分兵東西南三門出擊大破賊成棟僅以數騎遁先是南贛總兵柯永盛遷湖廣總督請以南贛鎮兵二千自隨部議如所請有陞疏言贛地當江湖關鍵風尚好武輕生奸宄易作控馭宜嚴且金逆未平正資勦援以固疆圉廣東賊寇尚多鎮兵久習水土熟知地利便於征勦不宜移去奏入乃

詔前所議移兵仍留贛鎮而令永盛另募新兵明年聲桓
成棟等相繼剪滅大軍凱旋土賊仍未靖上猶劉
飛龍南葉芝南石城鄒華雲都彭順慶瑞金陳其
綸皆負固抗逆有陞同武元檄將分勦先後蕩平
敘功加左都督

賜紫貂冠服甲冑佩刀鞍馬三遇

恩詔晉爵至三等子十年四月平南王尙可喜靖南王耿
繼茂疏述有陞深算老謀同巡撫劉武元堅守南

贛與粵東唇齒相依功宜錄敘部臣以有陞業已
晉銜都督寢議

上特詔曰胡有陞同劉武元堅守岩城屢挫金王一逆及
廣東叛鎮李成棟犯贛又能出奇制勝以寡擊衆大敗
賊兵四省咽喉遂得安堵忠誠可嘉勞績茂著雖已晉
銜未足酬功朕加意封疆不吝爵賞其再議優敘於是
加太子少保十二年二月入

觀

賜冠服鞍馬十七年以年老解任回旗康熙三年劉武元
之子濱疏請追敘守贛功既加騎都尉世職有陞
未援例以請部臣議加雲騎尉得

旨胡有陞守贛州全城敗賊之功不下於巡撫劉武元亦
子騎都尉世職遂合所有世爵爲一等子八年九月卒

祀江西名宦祠子啟泰襲爵後改隸鑲白旗

楊名高

楊名高遼東人

太宗文皇帝時率族屬百餘人來歸隸鑲黃旗漢軍授佐

領尋兼任兵部理事官崇德七年四月隨鄭親王

濟爾哈朗征明攻克塔山杏山城及附近諸臺論

功子雲騎尉世職八月同副都統馬光輝等往錦

州督鑄神威大將軍礮十月隨饒餘貝勒阿巴泰

征明擊敗明總督范志完兵於渾河橋明年師旋

至牆子嶺復敗敵於南山其年冬隨鄭親王取明

前屯衛中後所二城順治元年敘功晉騎都尉二

年任叅領三年擢都察院叅政六年授福建漳州提督時福建大田一邑爲僞新建王朱由模所據並連結延平高峰諸寨賊衆爲聲援七年春名高率師進剿破賊石磯嶺由模聞風遁走永安延平副將王愛臣追獲之賊渠陳光等據高峰寨密遣人往德化約賊黨鄭文薦來援名高令副將韓尚亮率兵截擊圍其寨賊被圍急從東門突出我兵奮勇衝擊賊陷壕死者過半師至大田賊衆四潰

進擊之龍門橋俘馘甚衆擒僞都督郭奇僞總兵廖明正諸寨悉受撫是年冬又率兵剿賊邵武賊衆自建寧遁入江西新城縣名高分兵爲中左右三路而進自與總兵王之綱殿後直抵賊營追剿三十餘里擒僞寧洪伯洪國王僞總兵李安民王恒美等獲牛馬鎗礮無算得

旨下部議敘子紀錄三遇

恩詔晉世職二等輕車都尉九年海賊鄭成功偕其黨鄭

森等由廈門出掠連陷長泰漳浦海澄南靖諸邑
旋糾衆二十餘萬寇漳州屯於鳳巢山名高督兵
衝擊破之賊退據海澄所陷長泰諸邑以次克復
會成功之父芝龍疏請以書招降成功

詔允罷兵議撫成功不遵

詔仍糾賊肆掠突陷漳州府及惠安同安安溪永春德化
仙遊諸州縣十二年給事中魏裔介劾奏名高禦
勦怠玩貽悞封疆請

勅處分跡下總督佟岱察核十二年佟岱以名高調度無

方馳援不力覆奏于是革任尋卒子天福襲世職

郎廷佐

郎廷佐漢軍鑲黃旗人先世居廣寧父熙載爲明
生員

太祖高皇帝天命七年征明廣寧熙載率遼河西四堡兵

民來歸授備禦分轄降衆守其地嘗擒獲逃卒五
十人論功予三等輕車都尉世職崇德元年卒長

子廷輔襲世職廷佐其次子也由官學生授內院
筆帖式順治二年擢

國史院侍讀三年隨肅親王豪格征四川流賊張獻
忠六年隨英親王阿濟格征大同叛鎮姜瓖是年
遷秘書院學士十一年授江西巡撫江西自明末
洊遭兵亂水旱頻仍逋賦甚多廷佐再疏請蠲緩
以蘇民困並得

旨俞允時土賊洪國柱繆我章等剽掠饒州廣信間廷佐

遣將往勦降之十二年擢江南江西總督十四年
疏言江南逋賦多至四百餘萬兩宜分核官侵吏
蝕民欠各爲一冊專責右布政使按籍督催其新
徵歲賦以左布政使稽其收納則新舊牽混之弊
可除至徵收之州縣衛各官舊例未完者輒予降
調官屢更易吏民益輕玩催科反無實效宜令戴
罪留任催完又江南襟控數省商賈所聚前者大
軍經行以船載兵估舶因觀望不至宜如江西例

官爲造船備用以蘇商困

上嘉其言深切時弊下所司議行十六年以巡按衛貞元
劾按察使虞真言婪贓不職廷佐不先劾奏及奉
旨詰問復巧言支飾部議黜罷得

旨革職留任是年二月廷佐因巡閱江海密陳海防機宜
言海賊鄭成功擁衆屯聚海島將侵犯江南而江
省各汎兵數無多且水師舟楫未備請調發隣省
勁兵防禦疏下部議以隣省亦需兵防守寢其事

五月海賊陷鎮江襲據瓜洲遂犯江寧時城中守
禦單弱會副都統噶楚哈等從貴州凱旋率兵沿
江而下廷佐與駐防總管喀喀穆邀入城共議擊
賊挫其前鋒獲舟二十餘僞印二賊酋鄭成功旋
率賊衆逼城連營八十有三賊艘蔽江分截要路
廷佐與喀喀穆等晝夜堅守檄調各路步騎及水
師俱至同諸將定計以滿洲兵禦擊賊營而令綠
旗兵從儀鳳鍾阜三門出戰擒僞總統余新及僞

總兵二次日廷佐居守議以提督管効忠總兵梁化鳳等分水陸進擊大敗賊眾擒偽提督甘輝偽總兵張祿郭良玉焚毀賊艘五百餘賊之在鎮江瓜洲者皆遁入海捷

聞得

旨嘉獎下部議敘尋兵部請議前此失陷所屬城邑罪

上以廷佐於失事後能固守江寧擊敗逆賊命免議祇停敘功嗣復以失糾巡按王秉衡劣蹟部議降

調得

旨寬免十八年

聖祖仁皇帝即位分江南江西總督為二以廷佐任江南

總督康熙四年復舊制廷佐仍兼督江西七年十

一月以疾解任先是致仕大學士金之俊家居得

匿名書於門詆其在明居顯秩曾降流賊李自成

之後以訴廷佐令有司窮治之旋以書有悖逆語

疏

聞

上以廷佐窮治匿名書帖將株連無辜並以書劾廷佐
諭責之後違例妄訴俱下部察議八年正月
命削之俊加銜廷佐於病痊起用日鐫三級十三年逆藩

耿精忠反福建總督范承謨遇害

上特起廷佐為福建總督廷佐受

命即奏言臣孫雖為精忠胞弟之婿然臣誓不與逆賊俱
生願力疾前驅殲除叛寇

上嘉之

賜鞍馬甲冑以寵其行時福建俱陷賊廷佐至浙江隨康

親王傑書駐金華十五年六月卒

賜祭葬如典禮祀江西名宦

趙廷臣

趙廷臣漢軍鑲黃旗人順治二年由貢生授江南

山陽縣知縣遷江寧府江防同知因催徵逾限罷

職十年大學士洪承疇赴湖廣經畧軍務奏薦廷

臣清幹素著請以隨往軍營委用得
旨俞允十一年授湖廣分巡下湖南道十三年調本省督
糧道十五年隨大兵定貴州遂授貴州巡撫明年
擢雲貴總督先是土賊馮天裕等竄伏山寨勾結
亡命陷湄潭犯甕安至是廷臣調思南平越遵義
偏橋諸路兵擊破賊營斬天裕及偽總兵冉宗孝
等疏言貴州古稱鬼方自城市而外四顧皆苗雖
種數不同要皆專事鬪殺故馭之爲難臣以爲教

化無不可施之地風俗無不可移之鄉請今後應
襲土官年十三以上者令入學習禮由儒學起送
承襲其族屬子弟願入學讀書者亦許其仕進則
儒教日興而悍俗漸變又每遇歲終土官各上其
世次之籍於布政司布政司上其籍於部遇承襲
時有爭論者按籍立辨斯釁端預杜矣又奏改馬
乃曹滴諸土司爲流官復言黔省曩爲寇踞改衛
爲府改所爲縣紛更法令民苦重役今底定之後

應復舊制滇省田土荒蕪當亟招民開墾其衝路
各州縣請以順治十七年本省秋糧貨爲春種之
需會吳三桂以五象進獻

上命停止送京廷臣因疏請概停邊貢以省解送之勞疏
俱下部議行尋以勦平土酋龍吉兆功加兵部尙
書

聖祖仁皇帝御極調廷臣浙江總督彙敘督墾雲南荒田
功加太子少保康熙二年廷臣疏言浙江逋賦不

清由徵解繁雜請以一條鞭徵收之法卽用爲一
條鞭起解之法令各州縣隨征隨解布政司察明
註冊至爲簡便又請移海島投誠官兵分插內地
杜賊人煽誘定水師提鎮各營設兵之制以備水
戰杭嘉湖三府毗連太湖泖湖易於藏奸請增造
快唬船撥兵巡哨部議俱從其請時海賊鄭成功
死廷臣招其黨僞將軍阮美僞都督鄭殷僞侍郎
蔡昌登等皆相繼降獨僞兵部張煌言率衆遠遁

廷臣馳赴定海與提督哈爾庫張杰定議檄水師
由寧台溫三府出洋搜勦斬賊六百餘降其偽副
將陳棟知煌言披緇竄伏海島廷臣選驍將徐元
張公午飾爲僧人服率健丁潛伏普陀山朱家尖
蘆花澳三路以伺得賊船急擊之擒賊林生陳滿
等誘使言煌言竄處卽駕所獲賊船乘夜至懸山
范澳白山後潛入賊帳擒煌言獲其偽敕印奏入
得

旨嘉獎煌言伏誅四年疏請崇節儉以維風俗又言用人

宜寬小胥請

勅部分別望誤降革人員量才錄用以收得人之效又言
駐防滿洲收買民人宜令地方官給與印契並曉
諭居鄰俾知某人賣身旗下後或逃歸有容留者
乃可坐其窩逃之罪事並下部議行會部檄各省
流寓人責令回籍廷臣疏言革職解任之員應卽
令回籍其身故而子孫願留及流寓土民有丁口

田土已附版圖者宜聽其自便得

旨漢軍速催回旗餘如所請五年招降海賊鄭錦之僞都督李順等六年閏四月以病求罷

上慰留之八年二月卒於官

賜祭葬如典禮諡清獻一子入監

高天爵 子其佩

高天爵漢軍鑲白旗人後改隸鑲黃旗先世居鐵嶺父尙義以隨征松山杏山及太原功予二等輕

車都尉世職任杭州駐防協領天爵于順治四年

由廕生任山東高苑縣知縣考滿遷河南信陽州

知州十一年以經畧洪承疇薦擢湖廣長沙知府

大兵進勦明桂王朱由榔天爵理餉濟軍十三年

因父病假歸十六年補江西建昌知府先是廣昌

縣山賊王昂傅勝辛連升周由義陳太宇蕭來信

夏登選等聚黨數千時出劫掠據羊石滴水二砦

爲老巢形勢險峻官軍仰攻輒爲賊滾木礮石所

損傷因罷攻招之降王昂傅勝佯就撫仍伺隙煽
亂官軍擒之斃于獄餘賊益負固抗拒十八年五
月天爵與巡道張永祺叅將王之任議乘風雨交
作漂流樹木衝斷橋梁賊俱歸巢後分布官軍絕
賊去路直搗滴水砦進攻羊石砦斬賊千餘盡毀
賊巢賊傷斃及墮崖死者無算生擒辛連升周由
義陳太宇蕭來信夏登選及王昂之父王尙智並
斬于軍賊所掠丁口悉遣還其家巡撫張朝璘疏

報十年砦賊一旦掃除由道府區畫周詳捐貲懸
賞鼓勵士卒冒險奏功

詔下部察敘天爵得軍功加級康熙十三年逆藩耿精忠
據福建叛縱黨入江西犯建昌時天爵已遷兩淮
鹽運使或勸之速行天爵曰吾守此土十六年雖
受代豈可遽離遂率家丁數十人禦賊萬年橋城
守副將趙印已降賊乘天爵力戰從後縛之以獻
賊載送入閩再四誘降終不屈賊拘繫之越歲餘

天爵與副將王進武舉胡守謙將材楊起鵬姜山
等同謀遣千總徐得功出仙霞嶺請大兵入關陰
結死士爲內應賊將王廷彥許之耿精忠遂以十
五年九月四日遇害十九年福建巡撫楊熙疏列
同日殉節諸人部議卹廕有差天爵得

旨贈太僕寺卿廕一子三十五年福建巡撫卞永譽請以
天爵與原任福寧總兵吳萬福福州知府王之儀
邵武知府張端午建寧同知喻三畏邵武同知高

舉侯官知縣劉嘉猷尤溪知縣李塤福州城守千
總廖有功等合建一祠于省城西門外春秋致祭
得

旨允行四十四年子其佩官工部員外郎爲父請

賜扁

御書蓋忱義烈以額其家祠四十六年其佩官浙江溫處
道復爲父請諡

賜諡忠烈雍正四年長子其位官大學士其佩官都統同

奏請

諭祭得

旨高天爵捐軀盡忠大節可嘉高其位高其佩乃現任大學士都統大臣爲父請卹甚是著加禮部尚書銜追賜卹典七年入祀昭忠祠其佩天爵第五子康熙二十一年以父廕授江南宿州知州二十五年丁母憂歸三十二年補雲南姚州知州三十六年內遷工部員外郎四十四年授浙江溫處道五十一年六月

以署運使虧空鹽課革職尋開復五十四年補四川永寧道五十九年九月遷四川按察使雍正元年三月內遷光祿寺卿協理刑部侍郎事九月擢刑部右侍郎二年正月擢正紅旗漢軍都統仍兼刑部侍郎三年四月

命其佩同侍郎史貽直往四川審理年羹堯誣罰茶商私佔鹽窩各款又陝西郃陽縣因私鹽致死無辜八百餘人事皆得實十二月因年羹堯冒銷四川鋪

司銀兩係其佩按察使任內事

特旨詢問以鋪司未設乾沒屬實覆奏下部議追繳五年七月刑部審擬主事菩薩保藏匿隆科多應追入官銀聽其詭稱祖遺給還故入首告者誣罪其佩與尚書賽爾圖侍郎海壽等並坐黨惡徇私肆行欺罔論斬

詔從寬免死革侍郎仍留都統任七年二月因追繳四川任內冒銷帑銀逾限不完革任十二年九月卒其

位別有傳

欽定八旗通志卷一百八十九

